



Tlhopa ditsala tse di siameng

Setswana



Khanyisa Mukansi

Tlhopa ditsala tse di siameng

Mokwadi Khanyisa Mukansi
Motaki Lutfia Ebrahim-Kamish



Thanolo ka Motlhabane Modise



GRADE 2

Barutwana ba itumeletse go tsena ka fa phaphosing, ya mophatho wa bobedi mo mosong.

Ba apere unifomo ya bona ya bontsho le mmala wa namune.

Ba dumedisiwa ke morutabana wa bona, mme Mabunda. O motlotlo ka phaphosi ya gagwe.

O rotloetsa le go emanokeng barutwana mo dithutong tsa bona. Go kagiso ka fa phaphosing-borutelong.



Kagiso ya simolola go senngwa.

E senngwa ke go timela ga diphensele.

Bana ba bangwe ba timelelwa ke diphensele.

Diphensele tsa batliwa, fela tsa se ka tsa bonwa.

Se sa gakgamatsa morutabana Mabunda.

Morutabana o neile bana diphensele tse ntshwa.



Bothata ba etegela. Barutwana ba ngongorega gore, dijo tsa bona di utswitswe.

Ba gakgameletse go fitlhela dijo di se teng, ka fa dikhafothini, ka nako ya dijo.

Ba tshwanelwa ke go tlhola ka tlala, ba lebile bana ba bangwe ba ja.

Morutabana a tshwanelwa go ba rekela senkgwe le senotsididi. Legodu la batlisisiwa, fela la seka la fitlhelwa.



Go mo pepeneneng gore go legodu ka fa phaphosing.

Barutwana ba tlhola ba tshotse dikhafothining, ka dinako tsotlhe.

Ba seka ba tlhola ba kgona go tshameka ba lokologile.

Morutabana a tla ka leano la go tswalelela dikhafothini, ka fa khabotong mo phaphosing.

A kgalemela botlhe bao ba nang le mokgwa wa go utswa. A tshepisa gore legodu le tla tshwarwa.



clean
green

Morago ga malatsi a se makae, madi a nyelela mo barutwaneng.

Letsatsi le letsatsi barutwana ba le babedi kgotsa ba le bararo, ba ngongoregela gore ba timeletswe ke madi.

Ba fitlhetse dikgetsana, tsa bone di bulegile, mme madi a utswitswe.

Morutabana o ne a gakgametse, fa barutwana ba lela ka ntlha ya se.

O dumetse, fa le ena madi a utswiwa mo kgetsaneng ya gagwe.

Legodu leo le sa itsagaleng la nna le matla mo phaphosing.



Morutabana a kwalela batswading lekwalo. A ba itsise ka legodu leo le leng ka fa phaphosing.

A kopa batsadi go ruta bana ba bona gore ba seka ba utswa.

Ga senne le motsadi yo o dumelang gore ngwana wa gagwe ke legodu.

Mogokgo a kgalemela barutwana, a ba bontsha kotsi ya go utswa.

A laela magodu go itlisa kwa go ena, gore a kgone go ba thusa.



Ka letsatsi lengwe Risuna a ya go morutabana a lela. Risuna ke morutwana yo o botlhale.

A bolelela Mme Mabunda gore buka ya gagwe e timetse.

O fitlhetse buka ya gagwe e se teng morago ga dijo, Kgetsana ya gagwe e ne e butswa.

Buka ya gagwe ya go kwalela ya Setswana e timetse.



Buka ya batliwa gotlhe le mo dikgetsaneng tsa barutwana. Fela ga ya fitlhelwa.

Morutabana a laela bana go tla fa pele.
Ngwana mongwe le mongwe a tshwanetse go emisa diatla.

Se ya nna kgwetlho mo go Tirwani mosimane wa Dikoka.

O ne a isa letsogo la gagwe le le kwa godimo kwa tlase, mo maleng.



Morutabana a bolelela Tirwani go ema fa gare ga phaphosi.

A kopiwa go emisa matsogo a gagwe kwa godimo mme a tlolele kwa godimo. A tlola gangwe mme a tshwara mala a gagwe.

Fa a tlola lekgetlho la bobedi, buka ya tswa, ka fa gare ga jeresi ya gagwe.

Tirwani a lekelela go buseisa buka, fela ya wela fa maotong.



Matlho otlhe a lebile Tirwani. Barutwana ba dira modumo, ba mo tshega le go mo sotla.

Ba goelela: "Tirwana wa ga Dikoka ke legodu!"
Tirwana ga a dumela fa se se diragalela ena.

A akanya gore o a lora. A eletsa o kare lefatshe le ka bulega mme la mokometsa.



Barutwana ba le bantsi ba itumela fa Tirwani a fitlhetswe ka buka ya Risuna.

Tirwani o na le ditsala tsa gagwe tseo di nang le bothata.

Ba ne ba tshwenya basetsana le basimane ba bannye ka fa phaphosing. Selo se ga ise se begelwe morutabana.

Barutwana ba tshaba go ketekiwa ke Tirwani le ditsala tsa gagwe.

Tirwani o fitlhetswe, mme o leba kwa tlase ka dikgala.



Morutabana a bolelela Tirwani gore a tseye
buka mo maotong a gagwe.

Morutabana a mo laela gore a buise leina le le
kwadilweng mo bukeng.

Barutwana botlhe ba didimala mme ba
utlwelela Tirwani fa a buisa.

A buisa leina la Risuna ka dikgala a thathasela.
Barutwana ba mo tshega mme ba mo sotla ba
re ke legodu.

Ba supa ba re legodu mo phaphosing le
fitlhetswe.



Morutabana a didimatsa barutwana mme a kgothatsa Tirwani. A neela barutwana tirwana ya go kwala.

Mme a tsamaya le Tirwani go ya go mogokgo. Tirwani a dumela gore o utswitse buka ya Risuna.

Ka a sa itumelele gore, Risuna o botoka gona le ene ka fa phaphosing.

Tirwani a tlhagisa maina a ditsala tsa gagwe, a bolela tsotlhe tseo ba di dirileng ka mo phaphosing.

Morutabana a boela kwa phaphosing go ya go tsaya ditsala tsa ga Tirwani.

CIPALS
FFICE



Ditsala tsa ga Tirwani ga di aka tsa senya nako,
ka go ganela diphoso tsa bona.

Ba dumela gore ba ne ba utswa diphentshele,
dijo le madi.

Batsadi ba bona, ga baa dumela, gore bana ba
bona e ne ele magodu.

Ba kopa maitshwarelo fa pele ga mogokgo le
morutabana.

Ba tshepisa fa batla duelela dilo tsotlhe tseo di
utswitsweng.

Gape ba tshepisa go ruta bana ba bona go
tlogela bogodu.



Tirwani le ditsala tsa gagwe ba boela kwa phaphosing ka dikgala.

Ba lelela fa pele ga bana mo phaphosing, ba kopa boitshwarelo.

Ba ikopela gore ba itshwarelwe melato eo ba e dirileng.

Ba tlhajwa ke ditlhong gape ba ikobile. Moo o neng o ka ba tlhomogela pelo.

Barutwana ka bona ga ba dumele gore ke bona badira-bothata.



Morutabana a ba neela tiro ya go phephafatsa phaphosi kgwedi yotlhe.

Ba tshwanetse go tshela sentle le bana ba bangwe.

Ba kgaoganngwa mme ba neelwa barutwana ba ba botoka jaaka ditsala.

Morutabana a laela barutwana go mo itsise, fa batho ba ba bogisa.

Go direng jalo, go utswa go tla fokotsega ka fa phaphosing.

Go simolola letsatsi leo, ganna phetogo mo go Tirwani le ditsala tsa gagwe.

DITEBOGO

Mokwadi

Khanyisa Mukansi

Motaki

Lutfia Kamish-Ebrahim

Morulaganyi 1

Pandelani Claudine Rambau

Morulaganyi 2

Deborah Shilenge

Morulaganyi 3

Rebecca Maluleke

Motlhami

PixelPing Design

Mofetodi

Motlhabane Modise

Motsinkedi wa puku ke

Glanice Masilo



ISBN 978-0-638-00769-5



basic education
Department:
Basic Education
REPUBLIC OF SOUTH AFRICA

